

ընդ Երեսփոխանաց 'ի դատին . հմուտ և տեղեակ բովանդակ գործոց եւ խորհրդոց Դատաւորաց , լեալ ականատեսս , եւ զԱդամ Գալֆա յազգէն Հայոց 7 գործաւորօք . զի ըստ արհեստին իւրոյ զգուշացի 'ի քննութեան եւ 'ի չափելն եւ հոգալ զայլ կարեւոր պէտս : Յետ այնորիկ պատրաստեալ սոցա զամենայն ինչ եւ առեալ զհրովարտակն՝ մտին 'ի նաւ (1813 . 'ի 22 Մարտի) . և յետ երկուց աւուրց՝ ելին յայլ նաւ գործակալք Տէրութեանն սպասաւորօք եւ պարագայիւք իւրեանց եւ նաւեալ յաջողակ հոգմով հասին 'ի Կիպրոս ('ի 11 Ապրիլի) . և 'ի վարձու կալեալ վարդապետաց զայլ նաւ՝ մտին անդ , առին ընդ ինքեանս զսպասաւորս և զկարասիս Նուրի էֆէնտեայ , և նաւեալ անտի հասին 'ի Յոպպէ , և անտի ելին յերուսաղէմ ('ի 13 Ապրիլի) : Իսկ գործակալքն Արքունի հասեալ 'ի Պէրութ , գնացին 'ի Դամասկոս տեսանել զԿուսակալն , արձանագրել զհրովարտակն Հայոց , զորոյ պատճէնն ունէին ընդ ինքեանս , առնուլ զիր հրամանի 'ի Կուսակալէն , և հոգալ զայլ կարեւոր իրս :

Փոխանորդ Պօղոս վարդապետ և այլ թեւակիցք նորին 'ի Կոստանդինուպօլիս , յորժամ իմացան թէ չէ գրեալ 'ի հրովարտակն ոստիկանին շինել զպակաս տեղիսն Հայոց , մատուցին զերկուս աղերսագիրս , մին 'ի Դուռն և միւսն առ Դեհպետն . զի 'ի լրումն անցեն զթերի մնացեալ տեղիս Հայոց , սակայն ոչ ետուն հրաման . զի յանձն արարեալ էին զայն 'ի քննութիւն Գործակալաց , եւ յետ այնր հոգալ զպակասորդն . պո այս լռեալ Հայոց սպասէին զալտեան Իլամին յերուսաղէմէ :

Յետ հասանելոյ վարդապետաց 'ի Ս . Աթոռն՝ մատուցին զհրովարտակն Արքայի առ Թէոդորոս Պատրիարք , առ որ ժողովեալ էին Եպիսկոպոսունք եւ վարդապետք , և ուրախացեալ առ ժամն՝ օրհնեցին զԱրքայն և զվաստակաւորս գործոյն : Բայց առաջի կայր նոցա դժուարութիւն մեծ սակս գործադրութեան հրովարտակին . և կոչեալ զքաղաքապետն ցուցին նմա զայն առանձին և խօսեցան բազում ինչ՝ փոյթ տանել գործադրութեան հրովարտակին , եւ զմի պատճէնն առաքեցին առ Դատաւոր քաղաքին , որ 'ի նոյն աւուրս եկեալ էր յերուսաղէմ , և